

OBRIGAS DAS ENTIDADES PREMIADAS

As entidades beneficiarias deberán cumprir cos requisitos previstos nas bases e non estar incursas nas prohibicións para obter a condición de adxudicataria.

Con carácter previo ao pago, se verificará que as entidades agraciadas se atopen ao corrente das obrigas tributarias coa Seguridade Social e máis co Concello, así como no pagamento de cargos por reintegro de subvencións, de ser o caso.

TRAMITACIÓN

A Área de Igualdade revisará os expedientes de solicitude presentados e verificará que conteñen a documentación esixida. Se resulta que esta está incompleta ou defectuosa, requirirase á/ao solicitante para que no prazo de **DEZ DÍAS** hábiles a partir da data da notificación, achegue a documentación necesaria ou corrixa os defectos observados, facéndolle saber que, no caso de incumprimento, a súa solicitude arquivarase sen máis trámite. Unha vez rematado o prazo de dez días e feitas as correspondentes achegas, remitiranse estas ao xurado constituído a tal fin para a súa deliberación. A valoración das mesmas farase antes de que remate o presente curso escolar.

XURADO

- ▶ A Concelleira delegada da Área de Igualdade.
- ▶ A Concelleira delegada da Área de Educación.
- ▶ Unha representante do Consello Local da Muller e outra/o polo Consello Escolar Municipal.
- ▶ A Directora do CIM ou outra profesional da área de Igualdade (que fará as funcións de secretaria, con voz pero sen voto).
- ▶ O xurado poderá solicitar a colaboración doutras persoas de recoñecido prestixio ou destacadas polo seu labor nos temas relacionados coa igualdade de oportunidades.

CRITERIOS DE VALORACIÓN

- ▶ **Metodoloxía** innovadora e **creatividade** no proxecto: valorarase que a iniciativa presente enfoques orixinais para promover a igualdade de xénero. A utilización de metodoloxía innovadora e integradora, a reinvencción dos modelos tradicionais, así como a utilización de novas tecnoloxías.
- ▶ **Coherencia**: a concordancia das temáticas en materia de igualdade a traballar coas actividades, cos obxectivos propostos e co título do proxecto. Tamén se terá en conta a claridade.

▶ **Participación**: valorarase a maior participación e implicación dos diferentes axentes socializadores, como profesorado, alumnado, familias, anpas, entidades do terceiro sector, entre outros.

▶ **Impacto e transversalidade**: avalía a magnitude do cambio positivo acadado, tendo en conta a repercusión nos diferentes grupos da rede educativa, así como a capacidade de replicar as actividades en diferentes contextos.

▶ **Percorrido**: a capacidade do proxecto para manterse a longo prazo.

▶ **Linguaxe inclusivo**: amosa unha representación equitativa e diversa, tanto a nivel verbal como non verbal.

Cada un destes criterios terá unha valoración máxima de 3 puntos.

RESOLUCIÓN E NOTIFICACIÓN DO FALLO

Trala avaliación dos traballos, o xurado, a través da Área de Igualdade, elevará proposta para a concesión dos premios á XGL. A resolución, xunto coa data e lugar da entrega de premios, será notificada antes de que remate o presente curso escolar.

CONTACTO

Calquera dúbida ou aclaración poderá resolverse na Área de Igualdade do Concello de Vilagarcía.

Praza de Ravela, 1
Casa Consistorial
986 099 200 ext. 1103 / 1109
muller@vilagarcia.gal
www.vilagarcia.gal

Asdo.

A Concelleira da Área de Igualdade,



Tania García Sanmartín

XX PREMIO PARA A IGUALDADE DE XÉNERO
BOAS PRÁCTICAS NA ESCOLA

igualdá



Concello de
Vilagarcía
de Arousa

CREACIÓN DO PREMIO, ÁMBITO E OBXECTO

A Área de Igualdade-CIM convoca para o presente curso 2025-2026 a vixésima edición do PREMIO PARA A IGUALDADE DE XÉNERO: BOAS PRÁCTICAS NA ESCOLA, premio que se sustenta na liña de actuación Modelos igualitarios de convivencia, do IV Plan Municipal de Igualdade do Concello de Vilagarcía, e no seu obxectivo de *favorecer a sensibilización, formación e implicación da comunidade educativa, como elemento fundamental para chegar ao colectivo infantil, xuvenil e adulto*.

O obxecto desta convocatoria é **premiar e dar visibilidade** ás boas prácticas educativas nas que se traballe a prol da consecución da igualdade entre homes e mulleres, da igualdade de trato e da non discriminación por razón de identidade ou orientación sexual, da identificación e rexeitamento de estereotipos sexistas que contribúan ao mantemento da violencia machista e da incorporación de xeito transversal de valores que constrúan esquemas alternativos de socialización baseados na igualdade entre o alumnado.

Os **obxectivos** deben estar enmarcados nas seguintes **temáticas**:

► **Promoción** da participación, visibilidade e o apoderamento das mulleres, así como construción e visibilidade de novas masculinidades. Por exemplo, un proxecto relacionado con esta temática podería centrarse en visibilizar ás mulleres de Vilagarcía e poñer en valor a labor que realizan en diferentes ámbitos: social, cultural, educativo, político, etc.

► **Espazos coeducativos**. Por exemplo, un proxecto enmarcado nesta temática pode ter como obxectivo deseñar patios e espazos coeducativos dentro do centro educativo.

► **Prevención e abordaxe** das violencias machistas e/ou LGTBIQ+. Por exemplo, un proxecto centrado nesta liña pode ter o obxectivo principal de deconstruír os mitos do amor romántico.

O proxecto debe **seleccionar unha das tres temáticas** e elaborar un proxecto relacionado co obxectivo a traballar.

QUEN PODE ACCEDER

Poderán participar todos os centros de ensino de infantil, primaria, secundaria, bacharelato, ciclos formativos e centros de educación especial e máis os centros de réxime de ensinanza especiais e obradoiros de emprego, todos eles financiados con fondos públicos, do municipio de Vilagarcía de Arousa.

Poden presentar as propostas a **dirección do centro**, algún **departamento ou área de traballo**, **profesorado** de xeito individual e **ANPAS**, sempre que no seu proxecto estea involucrado activamente o alumnado.

O PREMIO

Haberá **tres premios**, un por categoría, para as mellores prácticas valoradas entre as recibidas no prazo fixado, podendo quedar deserto algún dos galardóns por non existir experiencias que se adecúen aos obxectivos.

Cada un estará dotado con **700,00 €***, e se engloban nas categorías: **1. Infantil e Primaria; 2. Secundaria e Bacharelato; 3. Ciclos Formativos, Ensinanzas de Réxime Especial e Obradoiros de Emprego**. O premio irá destinado para o/s centro/s ou ANPAS nos que se desenvolvan os traballos agraciados.

Esta cantidade contabilizarase con cargo á partida 2312-48100 do orzamento da Área de Igualdade do Concello de Vilagarcía.

**O pago quedará suxeito ás retencións que correspondan segundo a normativa vixente e a natureza do perceptor.*

LUGAR E PRAZO DE PRESENTACIÓN

A **presentación** das boas prácticas farase obrigatoriamente de **xeito telemático**, a través da plataforma do Concello de Vilagarcía.

No caso de que por problemas técnicos non sexa posible xuntar a ficha da memoria, a documentación ou anexos a través desta vía, enviarase igualmente a solicitude xenérica por sede electrónica e o resto, ben a través de muller@vilagarcia.gal, pen drive ou outro medio, especificando que se trata de documentación anexa e aportando xustificante de solicitude presentada por rexistro.

O prazo remata o día 30 de abril de 2026 ás 23.59h.

Non se aceptará ningunha boa práctica que non enviara o formulario de solicitude por sede electrónica antes desa data.

DOCUMENTACIÓN A PRESENTAR COA SOLICITUDE

Xunto co modelo 01001 de Solicitude Xenérica debidamente cuberto deberase presentar:

► Memoria explicativa segundo o modelo: *Ficha XX Premio de igualdade de xénero: Boas prácticas na escola*, dispoñible na área e en www.vilagarcia.gal, na que se describirá a acción presentada seguindo os apartados que se facilitan na mesma.

► Fotocopia do DNI de quen presente a solicitude e de quen vai dirixir a execución do proxecto, se non son a mesma persoa.

► Certificación expedida pola secretaría do centro da presentación e aprobación do proxecto polo Consello Escolar, ou o órgano similar no caso de Ensinanzas de Réxime Especial ou Obradoiros de Emprego e ANPAS. Modelo facilitado pola Área de Igualdade.

► Declaración da secretaría co visto e prace da dirección na que consten as contías das axudas asignadas ou recibidas por outras AAPP, así como doutros axentes para a mesma finalidade. No caso das ANPAS, declaración da secretaría co visto e prace da presidencia.

► Poderase engadir como ANEXO outra información ou material que complete e amplíe o que se expón na ficha: fotografías, vídeos, montaxes audiovisuais...

NORMAS DE PARTICIPACIÓN

As propostas de boas prácticas que se presenten ao concurso deberán describir unha acción ou experiencia que teña como eixe principal unha das seguintes tres temáticas:

► **Promoción** da participación, visibilidade e apoderamento das mulleres, así como construción e visibilidade de novas masculinidades.

► **Espazos coeducativos**.

► **Prevención e abordaxe** das violencias machistas e/ou LGTBIQ+.

Non se aceptará ningunha proposta que non se adecúe á finalidade do premio.

► Deberá haber unha coherencia entre os obxectivos expostos, os contidos traballados e as actividades propostas.

► As experiencias propostas deberán ser orixinais, non podendo ser anteriormente premiadas noutros concursos.

► A proposta será de aplicación necesariamente práctica e deberá ter comezado, aínda que non rematara, na data de finalización do prazo de presentación das propostas.

► Poderanse presentar tantas propostas coma o centro educativo e/ou ANPA desexen, sempre que reúnan os requisitos de solicitude.

► A memoria explicativa da boa práctica que se presente deberá axustarse á *Ficha XX Premio de igualdade de xénero: Boas prácticas na escola*, que se facilitará dende o departamento de igualdade ou estará dispoñible na páxina web do Concello. A ficha non poderá ter unha extensión superior aos 20 folios, por unha cara e cun interliñado de 1,5.

► En cumprimento do artigo 3-2 m) do Regulamento do Servizo de Normalización lingüística do Concello de Vilagarcía de Arousa, os proxectos serán presentados necesariamente en lingua galega.

► A información sobre as propostas presentadas poderá ser publicada ou difundida polo Concello de Vilagarcía, para favorecer o intercambio de experiencias con outros centros. En todo caso, indicarse sempre o nome do centro/ANPA que a presentou.